

Elim deb, yurtim deb yonib yashash kerak!

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 16-avgust, shanba № 64 (15806)

ЯГОНАСАН, МУҚАДДАС ВАТАНИМ, СЕВГИ ВА САДОҚАТИМ СЕНГА БАХШИДА, ГЎЗАЛ ЎЗБЕКИСТОНИМ!

ЎЗБЕКИСТОН
РЕСПУБЛИКАСИ ПРЕЗИДЕНТИ
ИСЛОМ КАРИМОВНИНГ
ХИТОЙ ХАЛҚ
РЕСПУБЛИКАСИГА ДАВЛАТ
ТАШРИФИГА ДОИР

Ўзбекистон Республикаси Президенти Ислам Каримов Хитой Халқ Республикаси Раиси Си Цзиньпиннинг таклифига биноан 2014 йил 19-20 август кунлари давлат ташрифи билан ушбу мамлакатда бўлади.

Хитой раҳбарияти билан учрашувлар чоғида ўзаро муносабатларнинг бугунги аҳволи ва истиқболи муҳокама этилиб, Ўзбекистон ва ХХР ўртасидаги стратегик шерикликни янада мустаҳкамлашнинг асосий йўналишлари бўйича атрафлича фикр алмашилади. Томонлар минтақавий ва халқаро аҳамиятга эга долзарб масалаларни ҳам кўриб чиқадилар.

Олий даражадаги музокаралар якунида Қўшма декларация қабул қилиш, Ўзбекистон ва Хитойнинг турли соҳалардаги ҳамкорлигини изчил ривожлантиришга қаратилган ҳукуматлараро ва бошқа қатор ҳужжатлар имзоланиши режалаштирилган.

«Истиқлол фарзандлари» — эътибор ва эътироф намоёиши

Пойтахтимизда «Камолот» ёшлар ижтимоий ҳаракати томонидан ташкил этилган «Истиқлол фарзандлари» ёшлар фестивали якунланди.

Ҳар тўрт йилда бир мартаба бўладиган ушбу йирик тадбирни ёшлар интиқлик билан кутади. Ахир, ҳаётимизда рўй бераётган ўзгаришлар, қўлга киритилаётган ютуқлар йилдан-йилга янгиламоқда. Уларнинг аксарияти, табиийки, ёшлар билан боғлиқ. Чунки Ўзбекистон том маънода ёшлар мамлакати. Мустақиллик йилларида юртимизда вояга етган баркамол авлод бугун ўзига ишонч билан келажак сари илдам қадам қўймоқда.

Ёшлар фестивали энг иқтидорлиларни бирлаштирди. Давлат мукофотлари, «Ўзбекистон белгиси» кўрак нишони соҳиблари, Президент стипендиатлари, халқаро фан олимпиадалари ва спорт мусобақалари, жаҳон ва Осиё чемпионатлари совриндорлари, «Камолот» ёшлар ижтимоий ҳаракатининг турли лойиҳаларида ғолиб бўлган ёш олимлар, тадбиркор, фермер ва ҳунармандлар — жами 250 нафарга яқин йигит-қиз тўрт кун давомида пойтахтда меҳмон бўлди.

Ватанга муҳаббат, фидойилик ҳиссини қалбига жо этган бу ёшларнинг ҳар бири мустақил фикрга, қатъий фуқаролик позицияси ва мустаҳкам ҳаётий эътиқодга эга. Улар дунёни кўрган ва шу билан бирга, дунё ҳам уларнинг кўпчилигини таниган ва тан олган. Муҳими, ҳар бирининг ортида шаҳару қишлоқларимиздаги минг-минглаб ёшлар турибди. Шу маънода, фестиваль иштирокчилари Ўзбекистон Республикаси Вазирлар Маҳкама-

си, Олий Мажлиси, Олий суди каби давлат бошқаруви органлари вакиллари билан бўлган мулоқотларда, аввало, ёшлар манфаатлари юзасидан фикр алмашди.

Ўзбекистон Республикаси Президенти ҳузуридаги давлат бошқаруви Академиясига меҳмонлар тасодифан тақлиф этилгани йўқ. Зеро, айти кунда улар юртимиздаги ижтимоий-сиёсий жараёнларда фаол иштирок этмоқда. Келгусида эса демократик ислохотларни чуқурлаштириш йўлида давлатимиз, биринчи навбатда, шу ёшларга таянади. Демак, истиқлол фарзандларининг сиёсий, ҳуқуқий билимларини ошириш долзарб масала.

Тошкент шаҳридаги Турин политехника ва Халқаро Вестминстер университетлари билан танишув ҳам ёшларда катта таассурот қолдирди. Юртимизда олтига ана шундай нуфузли хорижий таълим муассасаси фаолият олиб боришининг ўзи таълим сифатига қаратилаётган юксак

эътибордан далолат беради. Ўзбекистондаги хорижий таълим имкониятлари фестивал қаҳрамонлари учун «Биз ҳеч кимдан кам бўлмаганмиз, кам бўлмаймиз ҳам!» сўзларида мужассам ҳақиқатни яна бир бор намоён этди.

«Ягонасан, муқаддас Ватаним, сеvgи ва садоқатим сенга бахшида, гўзал Ўзбекистоним!» шиори остида ўтган гала-концерт ўзбекистонлик ёшлар она Ватанини қанчалик сеvgиб-ардоқлашини кўрсатди. «Туркiston» саройининг ёзги сахнасида мумтоз ва эстрада наволарию оркестр ижросидаги симфоник мусиқа намуналари янгради. Миллий ва замонавий йўналишдаги рақслар, ёш талантларнинг ёрқин чиқишлари томошабинни бефарқ қолдирмади. Бироқ дастурдаги энг кутилмаган ҳолат бу эмас. Хорижда таълим олаётган ёшларимиз дунёнинг турли мамлакатларидан туриб телекўприк орқали Ўзбекистондаги тенгдошларига йўллаган байрам қўловлари бутун зални жумбушга келтирди. Мана сизга аҳиллик! Мана сизга бир бўлиб Ватан ва миллатга дахлдорлик туйғуси билан яшаш!

Фестивалнинг охири кунда ёшлар «Бунёдкор» стадионида «Эл-юрт хурмати» ордени, «Ўзбекистон ифтихори» унвони соҳиби, ФИФА рефериси Равшан Эрматов билан жонли мулоқот қилдилар.

4-, 5-бетларга қаранг



Рустам Назарматов олган суратлар

Kim edigu kim bo'ldik?

Булар оддий рақамлар эмас...

Бирор мамлакат ҳақида гап кетганда унинг халқаро миқёсдаги ўрни, муайян кўрсаткичлар бўйича дунёда нечанчи поғонада туриши тилга олинади. Бу ўша давлатнинг салоҳиятини, ривожланиш даражасини кўрсатади.

Собиқ тузум даврида шундай маълумотларни ўқиганимизда, эшитганимизда хорижий давлатларнинг тараққиётига қойил қолардик. Ўзбекистонимизни ҳам уларнинг сафидан жой олишини орзу қилардик.

Орадан ҳеч қанча вақт ўтгани йўқ. Мамлакатимиз биз орзу қилгандек бир неча соҳаларда илғор давлатлар даражасига кўтарилди. Нуфузли халқаро ташкилотлар, статистика қўмиталари ва экспертлар юртимизда амалга оширилаётган ислохотлар самараларини, иқтисодиёт, таълим, соғлиқни сақлаш каби кўплаб жабҳалардаги натижаларни юқори баҳоламоқда.

Яқинда Мустақил Давлатлар Ҳамдўстлиги давлатлараро статистика қўмитаси минтақа мамлакатларининг 2014 йил биринчи ярим йиллигидаги ривожланиш кўрсаткичларини эълон қилди. Унга кўра, Ўзбекистон саноат маҳсулотлари ишлаб чиқариш бўйича МДҲда биринчи ўринни эгаллади. Юртимизда бу соҳа ўтган йилнинг шу даврига нисбатан 8,1 фоиз ўсган.

Мазкур ҳисоботда мамлакатимиз бошқа кўрсаткичлар бўйича ҳам юқори ўринларда қайд этилган. Лекин айнан саноат соҳасига алоҳида

этибор қаратаётганимизнинг сабаби бор.

Маълумки, собиқ тузум даврида юртимиз фақат пахта етиштиришга ихтисослаштирилган аграр республика эди. Кам сонли завод ва фабрикалар ҳам фақат шу соҳага мослаштирилганди. Оқибатда саноат умуман ривожланмаган, юртимизда саноат маҳсулотлари деярли ишлаб чиқарилмас эди. Ўша пайтда Ўзбекистон киши бошига тўғри келадиган ялпи ижтимоий маҳсулот бўйича собиқ иттифокда 12-ўринда, халқ истеъмоли моллари ишлаб чиқариш, асосий турдаги маҳсулотларни истеъмоли қилиш жиҳатидан энг охириги ўринларда турарди.

Мамлакатимиз мустақилликка эришгач, иқтисодиёт таркиби тубдан ўзгартирилди. Президентимиз Ислам Каримов раҳнамолигида ишлаб чиқариш инфратузилмасини шакллантириш, замонавий саноат корхоналари ташкил этишга киришилди. Тараққий топган мамлакатлар, машҳур компаниялар билан ҳамкорлик ўрнатилди.

Бугун юртимизда юксак технологияларга асосланган кўплаб замонавий корхоналар фаолият юритмоқда. Уларда кенг турдаги маҳсулотлар ишлаб чиқарилмоқда. Халқимиз эҳтиёжи тўлиқ мамлака-

тимизда ишлаб чиқарилган товарлар ҳисобидан қопланмоқда. Юқори сифатли, рақобатбардош маҳсулотларимиз ички бозорни тўлдириш билан бирга экспортга ҳам йўналтирилмоқда.

Кўп эшитганмиз: илгари юртдошларимиз мабодо чет элга бориб қолса, Ўзбекистонни билмаган хорижликлар «у ерда нималар бор», деб сўрар экан. Ҳамма биринчи навбатда «пахта» дея жавоб бераркан. «Яна-чи» деб сўраб қолишса, юртдошларимиз тайинли гап тополмай, мавзунини бошқа томонга бураркан.

Бугун мамлакатимизни ҳамма танийди, муваффақиятларимизни тан олмақда, тўғрироғи, тан олишга мажбур бўлмоқда. Энди чет элликлар Ўзбекистонда нималар бор деб эмас, нима йўқ, деб сўраса, тўғрироқ бўлади.

Жорий йилнинг июнь ойида Тошкентда бўлиб ўтган «Ўзбекистонда озиқ-овқат дастурини амалга оширишнинг муҳим захиралари» мавзусидаги халқаро конференцияда қатнашган хорижлик меҳмон бир ҳамкасбимиздан юртингизда нима ривожланган, деб сўради. Шунда у Ўзбекистонда инсон манфатларига эътибор, одамлар учун зарур ҳамма нарса бор, деб жавоб берди.

Ҳақиқатан ҳам, бугун мамлакатимизда инсон учун зарур барча нарса муҳайё. Дастурхонимиздаги ноз-неъматлар, эгнимиздаги кийим-кечак, оёғимиз остидаги машина — барча-барчаси юртимизда ишлаб чиқарилмоқда. Авваллари оддий гугурт ёки кунда-

лик ош тузини ҳам четдан келтирган Ўзбекистон бугун замонавий автомобиллар, телекоммуникация ускуналари, компьютер техникаси ва мобиль телефонлар, кенг турдаги маъшиий электроника маҳсулотлари ишлаб чиқармоқда. Юртимизда дунё миқёсида ҳам ноёб саналган йирик саноат комплекслари бунёд этилаётир.

Биргина Устюрт газ-кимё мажмуаси нуфузли халқаро нашрлар, етакчи экспертлар томонидан бир неча бор йилнинг энг яхши лойиҳаси, деб эътироф этилди. 2014 йил 13 мартда яна бир халқаро нашр — «Infrastructure Journal» ушбу газ-кимё мажмуаси қурилиши лойиҳасини «Нефть-газ соҳасидаги 2014 йилнинг глобал битими» мукофоти билан тақдирлади.

2011-2015 йилларда саноатни устувор даражада ривожлантириш дастури ҳамда ишлаб чиқаришни модернизация қилиш, техник ва технологик янгилашга доир тармоқ дастурларнинг изчил амалга оширилиши натижасида юқори қўшимча қийматга эга, рақобатдош маҳсулотлар тайёрлаётган қайта ишлаш тармоқларининг ўрни тобора ортиб бормоқда. Бугунги кунда мамлакатимизда ишлаб чиқарилаётган саноат маҳсулотларининг 78 фоиздан ортиги ана шу тармоқлар ҳиссасига тўғри келмоқда.

2013 йилда машинасозлик ва металл қайта ишлаш саноати 121 фоизни, қурилиш материаллари саноати 113,6, энгил саноат 113 ва озиқ-овқат саноати 109 фоизни ташкил этгани ҳам мам-

лакатимиз саноати ривожини намоеън этади.

Энди айтинг, агар мамлакатимиз мустақил бўлмаганида, давлатимиз раҳбари томонидан ишлаб чиқариш, жумладан, саноатни ривожлантиришга эътибор қаратилмаганида бундай натижалар бўлармиди?! Юртимизнинг энг кичик туманларидан бири — Асақани дунё танирмиди?! Қорақалпоғистоннинг олис бурчида дунёдаги ноёб завод қурилармиди?! Мустақиллик туфайли юртимиз салоҳияти юзага чиқди. Бир пайтлар бизнинг куч-қудратимизга шубҳа билан қараганлар бугун ютуқларимизни тан олмақда, биздан ўрганмоқда.

Албатта, бундай улкан натижаларга эришишнинг ўзи бўлмайди. Ҳеч нарса ўзидан ўзи осмондан тушмайди. Бу рақамлар замирида оқилона иқтисодий сиёсат, тинимсиз меҳнат ва қатъият мужассам. Халқимизнинг бунёдкорлик салоҳияти, мардлиги ва матонати эвазига қўлга киритилаётган, бутун дунёда эътироф этилаётган марралардан ҳар қайсими фахрланиб, бошимизни баланд кўтариб яшашга ҳақлимиз. Бундай муваффақиятларнинг барқарор ва бардавом бўлиши учун танлаган йўлимизда собитқдам бўлиб, мамлакатимизда амалга оширилаётган ислохотларга ўз ҳиссамизни қўшимиз жоиш. Чунки унинг қувончи ҳам, ташвиши ҳам ўзимизники. Шу азиз Ватан — барчамизники!

Анвар САМАДОВ,
ЎЗА шарҳловчиси

Mujda

Наманган «Ёшлар маркази» — яна Ғолиблар сарфига

Наманган «Ёшлар маркази» 2013 йилда Ўзбекистон Республикаси Олий Мажлиси ҳузуридаги Нодавлат нотижорат ташкилотларни ва фуқаролик жамиятининг бошқа институтларини қўллаб-қувватлаш жамоат фонднинг грант танловида иштирок этиб, «Мустақам оила — жамият тараққиёти пойдевори» мавзуидаги лойиҳаси ғолиби сифатида 14 миллион сўм грант маблағини қўлга киритганди.

Вилоят хотин-қизлар қўмитаси, Ҳаракатнинг вилоят кенгаши, адлия, соғлиқни сақлаш бошқармалари, Ўзбекистон мусулмонлар идораси вилоят вакиллиги, «Маҳалла» хайрия жамоат фонди, «Нуроний» жамғармаси, Психологлар ассоциацияси вилоят бўлимлари ва Наманган



давлат университети билан самарали ҳамкорлик йўлга қўйилган. Лойиҳа доирасида бўлажак келин-куёвларни оилавий ҳаётга тайёрлаш, уларда соғлом турмуш тарзи ҳамда репродуктив саломатлик

кўникмаларини шакллантириш, ёшлар ўртасида эрта ва қариндошуруғлар ўртасидаги никоҳнинг олдини олиш борасида қатор ишлар амалга оширилди.

Соғлом бола йилида Наманган

«Ёшлар маркази» Ўзбекистон Республикаси Олий Мажлиси ҳузуридаги Нодавлат нотижорат ташкилотларни ва фуқаролик жамиятининг бошқа институтларини қўллаб-қувватлаш Жамоат фонди эълон қилган яна бир танловда «Соғлом бола — миллат таянчи» номли лойиҳаси билан ғолиб бўлди ва яна 14 миллион сўмлик грантни қўлга киритди.

Мазкур лойиҳа «Соғлом бола йили» давлат Дастури ҳамда Президентимиз Ислам Каримовнинг 2014 йил 6 февралда имзолаган «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарорининг мақсад ва вазифаларидан келиб чиқиб, ёш авлодни гиёҳвандлик, ахлоқсизлик каби иллатлар ва уларнинг аянчли оқибатларидан ҳимоя қилишга қаратилгани билан аҳамиятлидир.

Унинг доирасида амалга ошириладиган маънавий-маърифий тадбирлар ҳақидаги маълумотлар Марказнинг расмий веб-сайти — patuom.uz га жойлаштирилади ва 20 мингдан ортиқ ёшни қамраб олиши кўзда тутилган.

Ҳожиакбар ПАТТАЕВ,
Наманган «Ёшлар маркази»нинг
«Соғлом бола — миллат таянчи»
лойиҳаси раҳбари

Obod manzillar

Орзулар ушалганда...

Сохибқирон Амир Темури ўзининг зафар ва муваффақиятларини мамлакатда гўзал иморатлар куриши билан нишонлаганига тарих гувоҳи. Мана шу хайрли анъана юртимизда истиқлол йилларида яна давом эттирилмоқда. Шаҳару қишлоқларимиз кўркига кўрк қўшаётган, замонавий ва миллий архитектурамиз уйғунлашган бетакрор иншоотлар фикримизнинг исботи бўла олади. Айниқса, ҳар йили мустақиллик тантаналари арафасида фойдаланишга топширилаётган спорт мажмуалари, маиший хизмат кўрсатиш объектлари, бир-биридан ажойиб санъат саройлари ва дам олиш масканлари бунёдкор халқимизнинг энг улуг ва энг азиз байрамига муносиб совғаси бўлмоқда.

Шариф шаҳарни улкан курилиш ва бунёдкорлик майдонига айлантириб юборган бухороликлар ҳам бу йилги байрамга ўзига хос тўёна ҳозирлашган. «Кўҳна ва боқий Бухоро» мажмуасининг ҳайрати ҳали кўпчиликни тарқ этмай туриб, қўлигул курувчилар янги хиёбон барпо қилиш билан қадимий шаҳар овозасини янада кенгроқ ёймоқда.

Азим пойтахтимизда меҳмон бўлиб, у ердаги фаввораларга ҳаваси келган бухороликларнинг «Қанийди, бизда ҳам шунақаси бўлса» деган орзулари амалга ошяпти. Ана шундай ҳамшаҳарларимиздан бири Шарифа Бобо-

муродова хурсандчилигини шундай баён этади:

— Ҳар куни ишхонага йўл оларканман, шу курилиш ёнидан ўтаман. Ҳар гал ҳайратим минг қарра ошади. Бир кунда шунча ўзгариш бўлганига ишонгим келмайди. Баъзан фавворалардан отилиб, чироқлар ёғдусида жилваланадиган мусаффо сув томчиларининг гўё куй қанотида осмонга кўтарилишини, сал ўтмай, яна чироқлар кўзгусига ўзини тутиб, мрамр ҳовузга тушишини хаёлан тасаввуримда жонлантираман. Юрагим ҳапқириб кетади. Она шаҳримнинг гулгун бағрида шундай мўъжиза пайдо бўлиши ва буни

кўриш менга насиб этаётганидан ўзимда чексиз ифтихор ҳиссини туяман.

Курилиш ишлари деярли битиб қолди. Айни пайтда Бельгия давлатидан келтирилган юз тупдан ортиқ кўчат шаҳар иқлимга мослаштирилмоқда. Фавворалар атрофида бунёд этилиб, шарқона ўймакор нақшлар билан безатилган ўриндиқли олтита айвон дам олувчилар хизматида шай.

Хиёбон курилишида «Бунёдкор» ёшлар меҳнат ҳаракатига жалб қилинган ёшлар кўмаклашаётганини, катта бунёдкорлик ишига ҳисса қўшаётганидан бахтиёр ҳолда қўлни қўлга бериб ишлаётганини ҳам алоҳида таъкидлаш лозим.

Меҳнатқаш курувчилар ҳам Ватанимиз мустақиллигининг 23 йиллигига тўхфа бўлган хиёбоннинг барпо этилишига ҳисса қўшаётганларидан бениҳоя бахтиёр. Бухоро аҳли эса юртимиз тўйига тўёна — янги хиёбонда ҳар томчисида озодлик шукронаси жилваланаётган муҳташам фавворалар куйи асло тинмасин, деб ният қилмоқда.

Лайло ҲАЙИТОВА,
«Turkiston» муҳбири



Ko'rgazma

Суратларга инсон қадрини намоён

Пойтахтимиздаги Иқоо Хираяма халқаро маданият қарвонсаройида фоторассом Назира Боймуродованин «Элда қадр топганлар...» номли фотокўргазмаси очилди.

Назира Боймуродова Жиззах вилоятининг Пахтакор шаҳрида туғилган. Болалигидан адабиёт ва санъатга ихлос кўйди. Мактабда ўқиб юрган даврларидан шеърлар ёза бошлади. Вилоят ва республика нашрларида жамоатчи муҳбир сифатида фаолият олиб борди. Унинг «Энди фақат кулиб яшайман» шеърий тўплами нашрдан чиққан.

Назира нафақат журналистика, фотосанъати йўналишида ҳам баракали ижод қилиб келмоқда. 2013 йилда «Шу Ватанга бордир менинг керагим» шахсий фотокўргазмасини тақдим этди.

Бу галги фотокўргазма элимиз ардоғидаги инсонлар, маданият ва санъатимиз даргаларига бағишланди. Экспозициядан олим ва педагоглар, журналист, ёзувчи ва шоирлар, юртимиз байроғини халқаро майдонларда баланд кўтариб келаётган спортчилар, ёш ижодкорлар, актёр ва режиссёрларнинг фото-портретларидан иборат олтишдан ортиқ асар жамланган.

Фотокўргазма доирасида адабиёт, санъат ва маданият намоёндалари иштирокидаги ижодий учрашув бўлиб ўтди.

Ҳасан АБДУНАЗАРОВ

«Bunyodkor — 2014»

Ўз юртингда ишлаш гашми

Бухоро муҳандислик-технология институтининг янги беш қаватли ўқув-лаборатория биноси курилиши жадал давом этмоқда. Бино курувчиларига мазкур олий таълим муассасасининг «Бунёдкор» ёшлар меҳнат ҳаракати аъзолари яқиндан ёрдам бераётир.

— Бу ерда самарали меҳнат қилишимиз учун барча зарур шароит яратилган, — дейди талаба Абдурауф Отамуродов. — Меҳнатимизга яраша ҳақ олаяпмиз, янги дўстлар ортираяпмиз. Бир сўз билан айтганда, таътил ҳар томонлама фойдали ва мазмунли ўтмоқда.

Институтнинг эллик нафардан иборат яна бир «Бунёдкор» гуруҳи Бухоро шаҳрида барпо этилаётган «Камолот уйи» курилишида иштирок этаётир.

Ёшларнинг бўш вақтини фойдали меҳнат билан банд этиш мақсадида ташкил этилган бундай гуруҳларга нафақат олий ўқув юртлари талабалари, балки вақтинча ишсиз ёшлар ҳам ихтиёрий равишда жалб этилган. Улар жойларда олиб борилаётган бунёдкорлик, ободончилик ишларида, намунавий уй-жойлар курилишида қатнашмоқда.

— Малакали курувчисан, хорижда катта миқдорда пул топшишнинг мумкин, дея мени йўлдан уришга уринганлар ҳам бўлди, — дейди қоровулбозорлик Акмал Аҳроров. — Мен кўнмадим. Қаранг, туманимизда шундай катта курилишлар бўлмоқда. Бунга шу ернинг забардаст йигитлари ҳисса қўшмаса, фаоллик кўрсатмаса бўладими? Энг асосийси, ўз юртингда эмин-эркин меҳнат қилиб, бошингни баланд кўтариб, фаровон яшашга нима етсин.

«Камолот» ёшлар ижтимоий ҳаракати Бухоро вилояти кенгаши бўлими мудири Шоҳида Раҳматованин айтишича, бугунги кунда вилоятдаги курилиш ва ободончилик объектлари ҳамда фермер хўжаликларида бир минг 300 нафарга яқин йигит-қиз самарали меҳнат қилмоқда.

Э. ЁДГОРОВ,
ЎЗА муҳбири

Учқўприк туманидаги 9-мактабга таълим муассасасида икки юз нафарга яқин бола тарбияланади. «Болажон» таянч дастури ҳамда «Мактабга таълимга қўйилган давлат талаблари» дастури асосида иш олиб борилаётган мазкур муассасага ҳудуддаги болалар 100 фоиз жалб этилган.



Ta'lim taraqqiyoti

«Болажон» дастури амалда

Бунга болаларни мактаб таълимига тайёрлашда юқори натижаларга эришилаётгани, 6-7 ёшли болаларга чет тиллари чуқур ўргатилаётгани асос бўляпти. Инглиз тили бўйича тўғарак раҳбари Муяссархон Исмоилованин иш фаолияти туманда оммалаштирилиб, соҳа мутахассислари учун семинарлар, очиқ машғулотлар ўтказгани ва у яратган ўқув қўлланма ҳудудда мактабга таълим муассасаларида инглиз тилини ўргатиш учун дастуриламал бўлиб хизмат қилаётгани ҳам юқоридаги фикримизнинг далилидир. Муассасада, асосан, олий маълумотли кадрлар фаолият олиб бормоқда ва бу болаларга таълим-тарбия бериш жараёни самарадорлигини таъминлашнинг муҳим омили бўляпти.

Иш тўғри йўлга қўйилгани натижасида муассаса уч йилдан буён «Энг обод таълим маскани» танловида вилоят миқёсида биринчилик-

ни қўлдан бермай келяпти. «Йил тарбиячиси» кўрик-танловида Дилфуза Нуриддинованин туман шарафини муносиб ҳимоя қилиб, 2-ўринни қўлга киритгани ҳам муассаса тарбиячиларининг ютуғидир.

— Мақсадимиз, тарбияланувчиларни ҳар жиҳатдан етуқ, соғлом қилиб шакллантириш, — дейди муассаса раҳбари Мухтасархон Ҳайдарова. — Бу ўта масъулиятли ва шарафли вазифани бажаришга педагогик жамоамизнинг ҳар бир аъзоси сидқидилдан ҳисса қўшяпти. Чунки соғлом болани, соғлом авлодни тарбиялашга ҳар биримиз масъулмиз.

Нодиржон ЮСУПОВ,
«Turkiston» муҳбири

СУРАТДА: Тажрибали устоз Гулбаҳор Қулмирзаева болалар билан машғулот пайтида.

«Истиқлол фарзандлари» — эътибор ва эътироф намойиши



ЁШЛАР ДАВЛАТ БОШҚАРУВИ ОРГАНЛАРИДА

«Истиқлол фарзандлари» лойиҳаси доирасида ёшлар биринчи марта мамлакатимиздаги ҳар учала ҳокимиятнинг олий органи — Парламент, Вазирлар Маҳкамаси, Олий суд фаолияти билан бевосита танишдилар.

мент сайловлари тўғрисида маълумот олди. Ўз навбатида, ёшлар ҳам ўз тақлиф-мулоҳазаларини ўртоқлашди. «Соғлом бола йили» Давлат дастури доирасида қабул қилинаётган қонунлар ҳамда мавжуд қонунларга киритилаётган ўзгариш ва қўшимчалар ҳақида ҳам сўз борди.

— Қонунчилик палатасида бўлиши, депутатлар билан юзма-юз мулоқот қилиши ҳар бир тенгдошимиз оرزۇ қилса керак. Демак, мен бахтиёр ёшларман.

Давлатимиз ўз истиқболли соғлом ва баркамол авлод тимсолида кўради. Фестивалга жам бўлган ёшлар ҳам Ўзбекистоннинг довуғини бутун дунёга таратаётган истиқлол фарзандларидир. Фестиваль дастурига кўра, бу ёшлар Ўзбекистон Республикаси Вазирлар Маҳкамасида ҳукумат раҳбарининг ўринбосари Аҳам Икромов билан учрашди. «Камолот» ёшлар ижтимоий ҳаракати тажрибасида илк бор кузатилган бундай учрашувлар манамен деган давлатлар тажрибасида камдан-кам учрайди.

Президентимиз Ислам Каримовнинг жорий йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарори асосида олиб борилаётган ишларни янги босқичга кўтариш хусусида сўзлар экан А.Икромов «Камолот» фаоллари жойларда тарғиботи билан

Шахло Салаева



Зулфия номидаги Давлат мукофоти соҳиби (Хоразм вилояти):

— Аънавий ижрочилик (маком) йўналишида ижод қиламан. 2011 йилда давлат мукофотига сазовор бўлиб, Ўзбекистон давлат консерваториясига имтиёзли равишда ўқишга кирдим. Мен кўп фестивал, санъат байрамларию йирик маданий тадбирларда қатнашганман. Лекин бу йилги «Истиқлол фарзандлари» фестивалидек ёрқин ва бетакрор ёшлар форумини биринчи кўришим. Бу фестивал ёшларни жипслаштиришга, иқтидорли ва ташаббускор ёшлар сафини кенгайтиришга хизмат қилади, деб ўйлайман. Республикаимизда бундай ёшлар кўп. Масалан, Фаргона вилоятдан 7-синф ўқувчиси Жасурбек Имомов ўттиздан зиёд мамлакат вакиллари қатнашган Халқаро математика беллашувида иккита медални қўлга киритгани ёки ака-ука Жавоҳир ва Исомбек Синдоровларнинг ҳали мактаб ўқувчиси бўлатуриб шахмат бўйича жаҳон ҳамда Осиё чемпиони бўлгани, бу йил эса хоразмлик тенгдошимиз Тошкент шаҳридаги Москва давлат университети филиалига энг юқори балл билан ўқишга киргани кимнинг ҳавасини келтирмайди дейсиз?! Мен бундай ёшлар билан бир сафда эканимдан хурсандман. Атрофимиздаги лоқайд, боқимандалик кайфиятидан юрган айрим ёшларга қарата айтмоқчиманки: вақтнинг ҳар бир дақиқасини ганимат биланг, ўқинг, изланинг, юртимиз равнақиға ҳисса қўшинг. Зеро, келажак — бизникидир.



АКАДЕМИЯ БИЛАН ТАНИШУВ

Ёшлар фестивали иштирокчилари Ўзбекистон Республикаси Президенти ҳузуридаги давлат бошқаруви Академияси ректори Абдужаббор Абдувоҳидов билан суҳбатда бўлди.

— Ҳар йили Академияга бошқарув салоҳиятига эга юздан ортиқ йигит-қиз ўқишга қабул қилинади. — деди Абдужаббор Абдувоҳидов. — Уларга турли йўналишлар бўйича профессор-ўқитувчилар сабоқ беради. Дарслар ўзбек, рус, инглиз тилларида олиб борилади. Шу боис ўқишга кирувчилар чет тиллари ва ахборот технологияларини пухта эгаллаган бўлишлари керак.

Шундан сўнг Академия магистрантлари бу ердаги таълим жараёни ва тизими ҳақида маълумот берди. Айтилганидек, Академияда ҳар уч нафар тингловчиға биттадан ўқитувчи тўри келади. Шубҳасиз, бу таълим самарадорлиғига ижобий таъсир кўрсатади. Савол-жавоблар бўлди...

— Учрашувдан кўнглим тўлди, — деб ўз таассуротларини бўлишди Қорақалпоқ давлат университети талабаси, Зулфия номидаги Давлат мукофоти совриндори Айчўлпон Уразимбетова. — Юртимиздаги шундай нуфузли таълим даргоҳининг ректори билан суҳбатдан баҳраманд бўлдим. Шунингдек, бизга қатор давлат органлари раҳбарлари билан юзма-юз кўришиб, фикр-истакларимизни эркин билдириш имкони берилганидан хурсандман.

Алихон Хайруллаев



«Биз соғлом турмуш тарзи тарафдоримиз!» лойиҳаси тренери:

— Оққўрғон туманидаги агросаноат ва тадбиркорлик касб-ҳунар коллежида ўқийман. Фестиваль жуда ажойиб ўтди. Очиги, бу қадар юқори савияни кутмагандим. Янги ўқув йилидан бошлаб туманимизда соғлом турмуш тарзи йўналишидан ташқари, ёшларда Ватанга бўлган муҳаббат туйғусини янаям кучайтиришга қаратилган «Истиқлол фарзандларимиз» тарғибот лойиҳасини амалга ошираман. Бизга улашилган байрам кайфиятини қолган ёшларга, албатта, етказаман. Токи улар ҳам давлатимиз, Юртбошимиз биз ҳақимизда қанчалик қайғураётганини янада чуқурроқ ҳис этсин.



Гулноза Сиддиқова



«Энг намунали бошланғич ташкилоти» танлови ғолиби:

— Андижон маиллий хизмат касб-ҳунар коллежидаги «Камолот» ЕИХ бошланғич ташкилот етакчисиман. Фестивалда қатнашиб, лойиҳа доирасидаги деярли ҳар бир тадбирни байрам тўхфаси сифатида қабул қилдим. Коллежда ижтимоий-гуманитар йўналишда дарс бераман. Ўзбекистон Республикаси Конституциявий суди ва Олий судида бўлиб ўтган учрашувларда ўзимни қизиқтирган саволларга жавоб олдим. Вилоятга қайтиб борган, ўқувчиларим, қолаверса, барча андижонлик ёшларга шулар ҳақида гапириб бераман.



ФИФА РЕФЕРИСИ САВОЛЛАРГА ЖАВОБ БЕРАДИ

Ёшлар фестивали доирасида «Эл-юрт ҳурмати» ордени, «Ўзбекистон ифтихори» фахрий унвонлари соҳиби, ФИФА рефериси, Осиёнинг тўрт қарра «Энг яхши ҳаками» Равшан Эрматов билан онлайн мулоқот ташкил этилди. «Бунёдкор» стадионининг яшил майдонида бўлиб ўтган ушбу учрашувда фестивал қатнашчиларидан ташқари, футбол ишқибозларининг ижтимоий тармоқлардан йўлаган саволларига ҳам жавоблар қайтарилди. Барча савол-жавоблар www.kamolot.uz сайти орқали он-лайн тарзда ёритиб борилди.



кўнглимга қаттиқ ботгани, лекин унга сездирмай ўз ишимни давом эттиравердим. Ҳали ўзбек футболни бутун дунёга танитаман, дея ўз олдимга мақсад қўйдим. Шуқри, Президентимизнинг спортга қаратаётган эътибор ва гамжўрлиги тўғрисида ҳақда тинимсиз меҳнатим билан халқаро тоифадаги ФИФА рефериси бўлдим. Энди манамен деган жамоалар яшил майдонларда ўзбек футбол мактабидан етишиб чиқаётган тажрибали ҳакамларнинг қарорларига бўйсунмоқда.

Уч соат давом этган мулоқотда бирини тақдорламайдиган саволларга жавоблар олинди.

— Мазкур фестивал доирасида ўтказилаётган лойиҳалар ранг-баранглиги билан хотирамга муҳрланди, — дейди Фаргона олимпия захиралари коллежи ўқувчиси Зуҳра Ҳомидова. — Фестиваль якунида ҳақиқий кумирим бўлган ФИФА рефериси Равшан Эрматов билан учрашиб турганимдан бахтиёрман. Негаки, бундай инсонлар билан бир кўришиб, биргаликда суратга тушиш иштиёқиди бўлган минглаб тенгдошларимни биланам. Уларга Тошкентдан қайтган, фестивал таассуротларимни, Равшан Эрматов билан бўлган учрашувни фахр-ладими, деганди. Ушанда бу гап

Шохруҳ Сақов



Немис тили фанидан республика фан олимпиадаси ғолиби, волейбол бўйича мамлакат тарма жамоаси аъзоси:

— Фаргона тиббиёт коллежи ўқувчисиман. Жорий йилда «Биз соғлом турмуш тарзи тарафдоримиз!» лойиҳасининг вилоят координатори сифатида ҳам фаолият олиб боришман. «Истиқлол фарзандларимиз» ёшлар фестивали давомида турли соҳаларда баланд марраларга эришган ёшлар билан танишиб юртимиз истеъдодларга нечоғлик бой эканини кўрдим. Пойтахтлик ёшлар бизни зўр қутиб олди. Фестиваль дастурига киритилган ҳар бир тадбир фойдали ва аҳамиятли, дея оламан.

Саҳифа материалларини Рустам ЮСУПОВ, Наргиза УМАРОВА, Қумар БЕГНИЯЗОВА тайёрлади. Рустам Назарматов олган суратлар.

Bolaning begonasi bo'lmaydi

Кўлни кўлга бериб

Яқинда мустақиллигимизнинг йигирма уч йиллик байрами муносабати билан «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» шиори остида Андижон, Наманган, Фарғона вилоятлари ёшлари иштирокида «Ёшлар марафони» ташкил этилди.

Мазкур марафонда иқтидорли тенгдошларимиз қаторида водийда яшовчи уюшмаган, меҳр-мурувватга муҳтож болалар, кам таъминланган оилалар ва хизмат бурчини бажариш вақтида ҳалок бўлган ҳарбий хизматчиларнинг фарзандлари, шунингдек, ички ишлар бўлими профилактика ҳисобиди тарафидан ёшлар иштирок этди.

БИР МАНЗИЛ ТОМОН

Фарғоналик юз нафар тенгдошимиз махсус безатилган, ёшларнинг азму шижоатини акс эттирувчи шиорлар илинган поездда дастлаб Наманган, кейин Андижон шаҳрига йўл олди. Жойларда тантанали кутиб олинган марафончилар сафига наманганлик ва андижонлик дўстлари қўшилди. Улар Маргилон темир йўл вокзалида миллий мусиқа садолари остида кутиб олинди.

Сўз олганлар «Ёшлар марафони» қатнашчиларини яқинлашиб келаётган кутлуғ айём — мустақиллигимизнинг 23 йиллик байрами билан қўлади. Маросим сўнггида фаол ёшларнинг «Ким эди-у, ким бўлди?» шиори остида мурожаати қабул қилинди.

«Муҳтарам Президентимиз Ислам Каримовнинг «Биз ўз олдимизга қўйган келажак буюк давлатни қуришдек олижаноб мақсадга етиш йўлида мен сизлар каби мард ва шижоатли ёшларимизга, илмуфан чўққиларини эгаллашга бел боғлаган, бугун ҳаётимизнинг ҳал қилувчи кучи бўлиб майдонга чиқаётган соғлом ва баркамол авлодимизга ишонман», деган сўзларидан куч олиб, Юртбошимизга қанот бўлайлик!» дейилади ушбу мурожаатда.

«ЁШЛАР ОРОМГОҲИ»ДА

Марафонда қатнашувчи 240 нафар тенгдошимиз Қувасой шаҳридаги «Ниҳол» оромгоҳи таркибидаги «Ёшлар оромгоҳи»нинг очилиш маросимида иштирок этди.



Спорт мусобақалари, интеллектуал ўйинлар, маънавий-маърифий учрашувлар билан марафончилар вақти мазмунли ўтди.

— Мен жуда кўп нарсага қизиқаман, шунинг учун спорт мусобақасида ҳам, топқирлик беллашувида ҳам фаол бўлишга ҳаракат қилдим. Энг муҳими, фарғоналик ва андижонлик болалар билан танишиб, дўстлашдим, — дейди наманганлик Шодмонбек Жаҳонгиров.

АҲМАД ФАРҒОНИЙ СИЙМОСИГА ЭҲТИРОМ

«Ёшлар марафони»нинг учинчи куни барча иштирокчилар Фарғона шаҳридаги Аҳмад Фарғоний ҳайкали пойига гулчамбар қўйди. Аллома сиймосига авлодлар эҳтироми сифатида ташкил этилган ушбу маросимда фаол ва иқтидорли тенгдошларимиз сўз олиб, шу юрт фарзанди эканлигидан бахтиёрлик ва шукроналик ҳисси ифодаланган дил сўзларини баён этди.

Марафончилар орасида бадий ижодга ҳавасманд йигит-



ўртасида «Кувноқлар ва зукколар» кўрик-танлови ташкил этилди.

Юмор ҳисси ҳаммага ҳам насиб этавермайди. Кувноқлар ва зукколар жамоаларининг чиқишларини кузатарканмиз, бунга яна бир марта амин бўлдик. Ҳар бир жамоа энгил қочирим, чиройли лутф, ҳазиллар билан мухлислар кўнглига йўл топишга интилди. Ўз навбатида томошабинлар ҳам кувноқ ва зукко ёшларни муваффақиятли чиққан саҳналар учун самимий олқишлади.

Танлов Фарғона вилоятининг «Кварц» жамоаси ғалабаси билан яқунланди.

ГЎЗАЛ ФАРҒОНА БЎЙЛАБ САЁХАТ

Марафон доирасида иштирокчилар муҳтарам Юртбошимиз тасдиқлаб берган Бош режага мувофиқ, Фарғона шаҳрида қад ростлаган янги ва замонавий бино, иншоотлар билан яқиндан танишдилар.

«Нефтчи» стадиони, минг кишилиқ санъат саройи, янги сув спорти ҳавзаси, «Камалак» болалар ўқув марказига саёхат уюштирилди.

Фарғона шаҳрида амалга оширилаётган улкан бунёдкорликлардан водийлик йигит-қизлар фахрланди.

ДИЛТОРТАР НАВОЛАР — МАРАФОН «ФИНИШ»И

Фарғона шаҳридаги «Ёшлар маданият ва спорт маркази»да «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» шиори остидаги гала-концерт марафонга яқун ясади.

Концертда Ўзбекистон Қаҳрамонлари, депутатлар, таниқли шоир ва ёзувчилар, Зулфия номидаги Давлат мукофоти, «Ниҳол» мукофоти совриндорлари, халқаро спорт мусобақалари голиблари, ёш олимлар, Андижон, Наманган ва Фарғона вилоятлари ёшларидан иборат марафончилар, театр ва эстрада юлдузлари, уч мингдан зиёд йигит-қиз иштирок этди.

Давлатимизнинг энг улуғ ва энг азиз байрамини муносиб кутиб олиш ҳамда ёшлар орасида соғлом ижтимоий-маънавий муҳитни шакллантириш, ватанпарварлик туйғуси, бирдамлик ва ҳамжиҳатликни мустаҳкамлаш, шунингдек, ёш авлодни халқимиз ҳамда миллий қадриятларимизга ҳурмат ва садоқат руҳида тарбиялаш сингари эзгу мақсадларда ташкил этилган марафон водийлик тенгдошларимизнинг ёшлик ва дўстлик байрамига айланди.

Дилнавоз Қўлдошева,
«Камолот» ЕИХ Фарғона
вилоят кенгаши матбуот
хизмати котиби

Avgust — hosilga hosil qo'shadigan davr

Меҳнатдан завқ олиб яшаётганлар

Дала — деҳқоннинг қалби. Етиштириладиган мўл ҳосил ана шу қалбдан тўкилади гўё. Миришкор фақатгина соф юрак билан далага бор меҳрини бахш эта олсагина мақсадига эришадди. Пискентлик ёш фермер Зафар Сувонов ана шундай деҳқонлардан.

Болалигидан ўзининг шахсий хўжалигига эга бўлишни орзу қилган Зафар ерга, она заминга меҳр билан қарайди. Бўлажак тадбиркор 2012 йилда давлатдан 50,9 гектар ер олиб, «Сувонов Зафар» фермер хўжалигига асос солди. Тажрибали деҳқонлар, қишлоқ



хўжалиги мутахассисларининг ўғитларига амал қилган ҳолда дуруст натижаларга эришди.

Эрта баҳордан бошланган саъй-

ҳаракатлар ўзининг ижобий самарасини бериб, ёш миришкор 30,2 гектар ердан бир текис чигит ундириб олди. Ғўза қатор ораларига узлуксиз ишлов беришда, обихаёт билан таъминлашда Зафарбекка механизатор Мўмин Жўраев, илғор сувчилар Фурқат Отакулов, Ҳамид Қўчқоров, Норали Худойкулов, Ҳабибулла Абдуллаев сингари шижоатли ёшлар кўмак берди.

Фермер хўжалиги аъзоларининг шашти баланд. Август —

ҳосил тўплашда ҳал қилувчи ой эканлигини чуқур англаб етган замин заргарлари айна шу кунларда ғўзани қондириб суғоришга, керакли ўғитлар билан таъминлашга алоҳида эътибор қаратишган.

— Кўп йиллардан бери деҳқончилик билан шуғулланиб келаётган миришкорлар тажрибасига суяниб кам бўлмаёмиз. Айна дамда суғоришни тунда ўтказамиз, — дейди Зафар Сувонов иш жараёни ҳақида сўзлар экан. — Чунки ғўза

кечаси мириқиб сув ичади, зарур озуқалар билан бойийди. Қолаверса, эгатларга маҳаллий ўғитлардан фойдаланган ҳолда шарбат оқизямиз. Бу ҳам ҳосилдорликни оширишда катта самара бериши шубҳасиз.

Ўтган йили фермер хўжалиги аъзолари гектаридан қирқ центнерга яқин пахта етиштирган эди. Бу йил ҳосилдорликни 45 центнерга ошириш ниятида.

Ашуралӣ БОЙМУРОД,
«Turkiston» муҳбири

Таассурот

«Деворингда боболарим излари бордир...»

Иқбол Мирзо шеърларида Ватан ва истиқлол мадҳи

Ўзбекистон Ёзувчилар уюшмасининг Дўрмон ижод уйида ўтказилган ёш ижодкорлар семинарида элимиз ардоғидаги кўплаб шоир ва ёзувчилар билан учрашиб, гурунгида бахраманд бўлган эдик. Ўзбекистон халқ шоири Иқбол Мирзо ўшанда менга «Агар жаннат кўкда бўлса...» шеърий тўпламини тўхфа этгани. Ватанга муҳаббат ва садоқат туйғулари мавж уриб турган шеърларни ўқиб...

Мутолаа завқи, унинг таассуроти мени куйидаги сўзларни битишга ундади.

Шоир шеърларини таҳлил қилиш жараёнида янгидан-янги ўхшатишлар, халқона иборалар, шеърий санъатларни топишимиз мумкин. Мафтункор юртимиз, мустақиллигимиз мадҳ этилган шеърлари кўшиқ бўлиб янграмоқда. Қайта-қайта мутолаа қилгингиз, кўшигини тинглагингиз келаверади. «Айтгил, дўстим...» мана шундай шеърларидан бири:

Бошинг эгиб, таъзим айла,
шукрона айт,
Сени гулдек эркалаган чаман учун.
Осмонларда юрган бўлсанг,
тупроққа қайт,
Айтгил, дўстим,
нима қилдик Ватан учун?

Бу сатрлар Озод Шарафиддиновнинг «Ўлсам айрилмасман кучоқларингдан» мақоласидаги куйидаги фикрларга монанд эмасми? «Мен бунга баъзан ўзимда йўқ хурсанд бўлман, Яратганга беадад шукрона қиламан, баъзан эса, Ватаннинг менга кўрсатган беҳисоб иноятларига, эл-юрт ардоғига муносиб жавоб бера олаётганим йўқ, Ватан олдидаги фарзандлик бурчимни тўла ўтаёлмайманми, деб ўқиниб қўяман. Бу ўқинч мени кўп нарсалар тўғрисида ўйлашга ундайди».

Ойбекнинг мана бу жумлаларидан ҳам тегишли хулоса чиқариш мумкин: «Лириканинг эмоция воситалари кучли, баъзан узун романдан, фактлар билан тўлган ҳар хил ёзувлардан кўра кичкина бир шеър кучлироқ, давомлироқ таъсир қолдира билади». Иқбол Мирзонинг шеърлари ҳам шеърият шайдоларига Ойбек айтганидек «кучли таъсир қолдира билади».

Кўзи қора, юраги оқ шу эл учун,
Тупроқ учун, шу юрт учун,
чаман учун,
Улуғ инсон бошлаб берган
шу йўл учун,
Айтгил, дўстим,
нима қилдик Ватан учун?

Биринчи сатрдаги «оқ» ва «қора» мумтоз адабиётда тазод, замонавий адабиётда эса антитезани ҳосил қилади. Эъти-

борли томони шундаки, қўлига қалам ушлаган ҳар бир ижодкор доимо уларни қўлаган. Аммо Иқбол Мирзо бу сўзни «юраги оқ» деб ишлатишни маъқул кўрди. Бу ҳам шоирнинг ижодий қирраларини очиб берувчи бадиий кашфиётлардан бири. Иккинчи сатрдаги «тупроқ», «юрт», «чаман» сўзлари таносуб санъатини ҳосил қилганига гувоҳ бўламиз.

Қачонгача қорнинг ўйлаб
ўтадирсан,
Қачонгача кўкдан чалпак
кутадирсан?
Ахир, Ватан битта,
сен ҳам биттадирсан,
Айтгил, дўстим,
нима қилдик Ватан учун?

Биринчи ва иккинчи сатрда шоир оммага риторик сўроқ билан мурожаат қилмоқда. Учинчи сатрда Ватан ва инсонни ёнма-ён тасвирлаш орқали ижодкор инсон ва Ватан бир-бирисиз яшай олмаслигини исботлаб, параллелизм санъатидан фойдаланган.

Қачон белни маҳкам тортиб
боғлагайсан?
Айтгил, дўстим,
нима қилдик Ватан учун?

«Белни маҳкам тортиб боғлаш» — халқона ибора. Халқ достонларида бундай ибора кўп қўлланилади.

Ҳар бир юртдошимизнинг юраги Ватан дея урсин. Зеро, Юртбошимиз айтганидек: «Ватан менга нима берди деб эмас, мен Ватанга нима бердим деб яшамоқ лозим».

Ҳар гал Мустақиллик байрамини кенг миқёсда нишонлаётганимизда мана бу кўшиқ кишини оҳанрабодек ўзига тартади. Ватан меҳри шу кўшиқ билан вужудимизга синган.

Олисдаги маҳмадона,
эй эски олчоқ,
Менга қандай яшамоқни
ўргатмагин сен!
Ўзингга боқ,
кейин майли ногорангни қоқ,
Менга қандай яшамоқни
ўргатмагин сен!

Бундай саодатли кунларга осонликча эришганимиз йўқ. Барчасига халқимизнинг бирдамлиги туйғули эришганимиз.

Озод юрт фарзандлари оқни қорадан, яхшини ёмондан осонгина фарқлай олади.

Ҳеч ким бизнинг шон-шухратимизни, қудратимизни тортиб ололмайди. Ижодкорнинг тили билан айтганда, «эски олчоқ» бизга қандай яшашни ўргатолмайди. Аксинча, биз, озод юрт фарзандлари нималарга қодир эканлигимизни исботлаймиз.

Китобингда даҳоларим
сўзлари бордир,
Деворингда боболарим
излари бордир,
Ўзбек элин эту тирноқ
дўстлари бордир,
Менга қандай яшамоқни
ўргатмагин сен!
Дала-даштлар ўз-ўзидан
Эрам бўлмагай,
Лекин сендан беминнат
бир қарам бўлмагай,
Ўзбек эли ҳеч кимсага
қарам бўлмагай,
Менга қандай яшамоқни
ўргатмагин сен!

Ҳақиқатан ҳам, дала-даштлар ўз-ўзидан Эрам боғига айланиб қолмайди, фаровон турмуш, жаннатмонанд юрт кишиларнинг меҳнати, бунёдкорлик хислати, аҳиллиги меваси ўлароқ, барпо бўлмайди. Ифтихор туйғусини бизга умрбод ҳада этган мана бу пурмаъно сўзлар ҳар бир юртдошимиз қалбини ана шундай юксак инсоний фазилатларга лиммо-лим тўлдиргани шубҳасиз: «Биз ҳеч кимдан кам бўлмаганимиз, кам бўлмаймиз ҳам!». Эътибор беринг-а, Иқбол Мирзонинг мана шу туйғу — ифтихордан чинакам маст бўлган шоир экани «Ўзбек эли ҳеч кимсага қарам бўлмагай» сатрларидан ҳам сезилиб турибди.

Нодар Думбадзенинг «Эллада» ҳикоясини кўпчилик ўқиган. Эсласангиз, унинг қаҳрамони Янгули шундай дейди: «Ватан ичкарироқда, нақ юракнинг ўзида!».

Ватанни қалб кўрида асрайдиган ва уни ижодида куйлайдиган шоир Иқбол Мирзо шеърларини ўқир экансиз, улардаги бадиийлик, санъат билан бирга биз, ёшларни шу азиз юртни яна ҳам кучлироқ севишга, ардоқлашга чорловни ҳам илғайсиз...

**Маликабону ТОЛЛИБОЕВА,
СамДУ қошидаги академик лицей
ўқувчиси**

Diqqat, tanlov!

«ЎЗБЕКИСТОН — ЯГОНА ВАТАН!»

Ўзбекистон матбуот ва ахборот агентлиги «Камолот» ёшлар ижтимоий ҳаракати ҳамда Ўзбекистон Ёзувчилар уюшмаси билан ҳамкорликда иқтидорли ва ижодкор ёшлар, ёш рассом, шоир ва ёзувчиларни аниқлаш, уларнинг имкониятларини рўёбга чиқариш ва рағбатлантириш мақсадида «Ўзбекистон — ягона Ватан!» танловини эълон қилади.

Танлов:

– шеърият
– наср
– рассомчилик ва дизайн йўналишларида ўтказилади.

«Ўзбекистон — ягона Ватан!» танловида 14 ёшдан 30 ёшгача бўлган китоби чоп этилмаган иқтидорли ёшлар иштирок этишлари мумкин.

Танлов ғолиблари асарлари Ташкилий қўмита қарорига асосан етакчи нашриётларнинг 2014-2015 йилги режаларига киритилади ва ҳомийлик асосида нашр этилади.

«Ўзбекистон — ягона Ватан!» танловига ишлар 2014 йилнинг 15 августидан 15 сентябргача қоғоз ва электрон кўринишда Ўзбекистон матбуот ва ахборот агентлигига юборилиши лозим.

Манзил: Тошкент — 100129,

Навоий кўчаси 30-уй.

Мурожаат учун телефон:

(8-371) 244-32-33, 244-12-61

«ЙИЛНИНГ ЭНГ ЯХШИ КИТОБИ»

Ўзбекистон матбуот ва ахборот агентлиги 2014 йил август — октябрь ойларида Ўзбекистон Республикаси мустақиллигининг 23 йиллигига бағишлаб «Йилнинг энг яхши китоби» VI Республика кўрик-танловини эълон қилади. Кўрик-танлов куйидаги номинациялар бўйича ўтказилади:

1. «Ижтимоий-сиёсий адабиёт»;
2. «Ватан тарихи»;
3. «Ўзбек ва жаҳон мумтоз адабиёти»;
4. «Болалар ва ўсмирлар адабиёти»;
5. «АРТ китоб».
6. «Маънавий-маърифий адабиётлар».
7. «Илмий-фундаментал асарлар, энциклопедик нашрлар».

Нашриётлар ушбу кўрик-танловда ҳар бир номинация бўйича бирданига бир неча номдаги китоб маҳсулотлари билан иштирок этишлари мумкин.

Кўрик-танловга тақдим этилаётган нашрлар 2014 йилнинг 20 октябргача қабул қилинади.

Танлов ғолиблари ташкилий қўмита томонидан 2014 йил ноябрь ойида бўлиб ўтадиган «Ўзбекистон матбуоти» IV Миллий кўргазмаси тадбирлари доирасида мукофотланиб, уларга танловнинг махсус дипломлари тантанали равишда топширилади.

Кўрик-танловга тақдим этилаётган китоблар бир нусхадан куйидаги манзил бўйича: Тошкент — 100129, Навоий кўчаси 30-уй, Ўзбекистон матбуот ва ахборот агентлигига юборилсин.

Мурожаат учун телефонлар:

(8-371) 244-12-61, 244-31-85.



Vatan manzaralari turkumidan. Bo'stonliq.

Тўйга тўёна билан

Ажойиб одатимиз бор: тўйга тўёна билан. Яқинлашиб келаётган Мустақиллик куни ҳам барчамиз учун катта тўй, шодиёна. Байрам муносабати билан «Камолот» ёшлар ижтимоий ҳаракати республика бўйлаб «Ватанимга менинг тўхфам» акциясини ўтказмоқда. Унда ҳар бир йигит-қиз касби-коридан қатъий назар, ўз ижодий иши билан қатнашиши мумкин. Байрам тўхфаларида 23 тасвири рамзий белги сифатида туширилади. Лойиха 23 августга қадар давом этади.

Яқинда пойтахтимизда бўлиб ўтган «Истиқлол фарзандлари» ёшлар фестивали доирасида эса акция давомида тақдим этган ижодий ишлар кўргазмаси ташкил этилди. Юртимиз вилоятларининг ўзига хос колоритини ифодаловчи ҳунармандлик буюмлари, болалар яратган заргарлик, зардўзлик, гиламдўзлик, каштачилик, ёғоч ўймакорлиги, лак-миниатюра, тасвирий санъат асарлари, миллий ўйинчоқлардан тортиб замонавий иншоотларнинг митти макетларигача ва яна ўнлаб турфа буюмлар ёшларнинг иқтидорини сўзсиз ифодалаб бергандек гўё.



Тошкентлик Муҳаммадамин Манноповнинг мана бу тўёнаси ҳар қандай байрам дастурхонининг кўрки бўла олади. Муҳаммадамин 5-синфда ўқийди. Карвинг санъатини мактабда ўрганган. Турли мева ва сабзавотлардан ажойиб композициялар яратиш унга чўт эмас. Қўл ҳаракати ила юм-юмалоқ тарвуз бир зумда лаззатли «шедевр»га айланади. Маҳоратингга қойил, болакай!



Қашқадарёлик ҳунармандларга ҳам тасанно! «Ватанимга менинг тўхфам» акцияси ҳақида эшитган чироқчилик гиламдўз қизлар кўргазмага энг сара ишларини юборибди. Жундан тўқилган шолча ва гиламлар, қизлар учун турли бичимдаги сумка ва ҳамёнлар кўзингизни қувнатади.



Тошкент маданият коллежи битирувчиси Нилуфар Аҳмаджонова кўғирчоқсозлик анъаналарини давом эттираётган ёшлардан. У Шайхонтоҳур туманидаги «Баркамол авлод» болалар ижодиёти марказида ўз санъатини ўргатиб келмоқда. Қоғоздан папье-маше усулида ясалган кўғирчоқлари орасида Качал полвону Бичихонга ўхшаш миллий қаҳрамонлар билан бирга, машҳур замондошларимиз, масалан, ўзбек эстрадаси хонандалари ҳам бор. Қўлидаги кўғирчоқ эса Нилуфарнинг ўзи.



Ёш ижодкорлар билан «Turkiston» муҳбири Наргиза УМАРОВА танишди.
Рустам Назарматов олган суратлар.

ЗУККО МУХЛИСГА САВОЛ:

«Булар ҳаммаси бой, қўйли, туяли, молнинг сони йўқ эди; буларнинг ичидан моли йўқ деган камбағалнинг қирқ минг туяси бор, қўйининг сони ададсиз, ўзлари ҳам билмас эди. Ўра-ўра, бир қўра, икки қўра, ўн қўра қўй, деб санагани шул эди».

Мазкур матн қайси дostonдан олинган, унда қайси элнинг давлати таърифланмоқда?

Жавобингизни 19 август соат 16.00 га қадар 233-79-69, 233-95-97 рақамлари орқали билдиришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: Самарқанд шаҳри.
Тошкент шаҳридан Давлат Исмоилов тўғри жавоб йўллади.

Чакалоқ ўрамадиган чойшаб	→					... секин	→			
Ромашка (шевада)		Пассажир (ўзбекча)		Ўйинчи қиз		Катта, улкан	↓	Мол-мулк, кўч-кўрон	Бўрттирма гап	Шўр бодринг
	↖			Миркарим ... (адиб)		... электр станцияси (АЭС)	↖			Лаб, дулоқ
Сазан, лаққа		Қад-... гавда	→					Мақтаб босқичи	Туберкулез	
	↖			Хуноқ, бад-башара	→		↖			
Хўкиз, буқа		Одми, камтар	→			Сен (шевада)		Усти ёпиқ бозор		
Жабру-...	→					АҚШ штати	→			

Тузувчи: Фахриддин Раҳимов

«TURKISTON» САВОЛ БЕРАДИ»

Медиа лойиҳамиз давом этади. Лойиҳа доирасидаги навбатдаги учрашув 2014 йилнинг 18 август куни «Камолот» ЁИХ Тошкент вилояти кенгаши раиси **Одил Тожиев** билан бўлиб ўтади. Суҳбатдошимиз ҳақидаги маълумотларни www.kamolot.uz сайтида ўқишингиз мумкин.

Савол ва таклифларингизни savol@turkiston.uz электрон манзили ёки (+99871) 233-79-69 телефон рақами орқали кутиб қоламиз.

Энг қизиқарли савол ва таклиф муаллифларини совғалар кутмоқда. Ўз позициянгизни намоён этишга шошилинг.

YONDAFTARCHANGIZGA

Дунёдаги энг бахтли инсон — ўзини бошқаларга таққосламасдан яшайдиган инсондир.

Тошкент вилоят давлат педагогика институти томонидан 1993 йилда Худайбергенова Лолаҳон Парпитаевнага берилган ФВ № 979212 рақамли диплом йўқолгани тўғрисида бекор қилинади.

Тошкент шаҳар Ҳамза тумани БТИ томонидан Соткулова Маърифатхон Тохтаполатовна номига Тошкент шаҳар Ҳамза тумани Лисунова-1 73-уй 23-хонадон учун расмийлаштирилган уй плани ва кадастр ҳужжатлари йўқолгани сабабли бекор қилинади.